

Na osnovu člana 39. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", broj: 15/05), člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), te Zaključka Vlade Federacije BiH V. broj: 14/2025 od 23.01.2025. godine, federalni ministar raseljenih osoba i izbjeglica, **raspisuje**

JAVNI POZIV

**Jedinicama lokalne samouprave za dodjelu jednokratne novčane pomoći
domaćinstvima pogođenim prirodnom nesrećom uzrokovanom poplavama i klizištima
iz oktobra 2024. godine**

I PREDMET JAVNOG POZIVA

Predmet Javnog poziva je dodjela finansijskih sredstava jedinicama lokalne samouprave u svrhu raspodjele jednokratne novčane pomoći fizičkim licima čiji su stambeni objekti totalno uništeni ili neuslovni za stanovanje kao posljedica prirodne nesreće uzrokovane poplavama i klizištima iz oktobra 2024. godine, a trenutno su smještena u objektima alternativnog smještaja ili drugom objektu u njihovom vlasništvu.

II CILJ JAVNOG POZIVA

Cilj Javnog poziva je pružiti podršku domaćinstvima putem jedinica lokalne samouprave, te doprinijeti ublažavanju posljedica prirodne nesreće uzrokovane poplavama i klizištima kroz osiguranje jednokratne novčane pomoći za najugroženije.

III PRAVO UČEŠĆA

III. I OPĆI KRITERIJI

Pravo učešća na javnom pozivu imaju jedinice lokalne samouprave (Općine/Gradovi):

1. na području kojih su nastale štete kao posljedica prirodne nesreće uzrokovane poplavama i klizištima iz oktobra 2024. godine;
2. na području kojih imaju prijavljeno prebivalište nosioci domaćinstava na čijim objektima je evidentirana totalna šteta ili su isti neuslovni za dalje stanovanje (*klizište, močvarno zemljište i dr.*);
3. na području kojih je nosilac domaćinstva vlasnik/suvlasnik ili posjednik/suposjednik objekta koji je totalno uništen ili neuslovan za život shodno objavljenoj preliminarnoj procjeni šteta od strane općinske/gradske Komisije za procjenu šteta od prirodnih i drugih nesreća.

III.II POSEBNI KRITERIJI

Posebni kriteriji za dodjelu sredstava su:

1. Brojnost članova domaćinstva čiji je objekat totalno uništen ili neuslovan za stanovanje – izjava o zajedničkom domaćinstvu (*kućna lista*);

2. Visina procijenjene preliminarnе finansijske vrijednosti štete na stambenom objektu koja se dokazuje izvještajem općinske/gradske Komisije za procjenu šteta od prirodnih i drugih nesreća, a u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj 75/04, 38/06, 52/09, 56/09 i 36/14);
3. Nosilac domaćinstva ili bilo koji član zajedničkog domaćinstva potencijalnog korisnika pripada nekoj od kategorija:
 - a) osobe sa invaliditetom/onesposobljenjem, osobe sa težim oboljenjem, demobilisani borci, civilne žrtva rata i dr. (*Rješenje/Uvjerenje nadležnog organa, specijalistički nalaz*);
 - b) korisnici socijalnih davanja (*Rješenje/Uvjerenje Centra za socijalni rad*),
 - c) samohrani roditelji, staratelji ili hranitelji porodice i žrtve porodičnog nasilja (*Rješenje/Uvjerenje Centra za socijalni rad*),
 - d) Nezaposlene osobe (*Potvrda Zavoda za zapošljavanje*),
 - e) Penzioneri (*Ček od zadnje penzije*).
4. Da nosilac domaćinstva nema drugi alternativni smještaj u svom vlasništvu. (*izjava nosioca domaćinstva ovjerena kod nadležnog organa (općina ili notar) da nema drugu stambenu jedinicu alternativnog smještaja u svom vlasništvu*)

IV PRIJAVA NA JAVNI POZIV

IV.I DOKAZI O ISPUNJAVANJU OPĆIH KRITERIJA

Prijava aplikanta (jedinice lokalne samouprave) na javni poziv obavezno sadrži sljedeće dokumente:

1. Čitko popunjen i potpisan obrazac prijave na javni poziv, koji je dostupan na internet stranici Ministarstva www.fmroi.gov.ba ili se preuzima lično u prostorijama Ministarstva na adresi Hamdije Čemerlića broj 2., Sarajevo;
2. Ovjerena izjava o zajedničkom domaćinstvu (kućna lista) za svakog potencijalnog korisnika;
3. Uvjerenje o prebivalištu (CIPS) ne starije od 90 dana za nosioca domaćinstva i sve članove njegovog domaćinstva;
4. Izvještaji općinske/gradske Komisije za procjenu šteta od prirodnih i drugih nesreća o procjenama šteta za sva domaćinstva za koja aplicira.

IV.II DOKAZI O ISPUNJAVANJU POSEBNIH KRITERIJA

1. Dokumentacija na osnovu koje se dokazuje pripadnost pojedinim ranjivim kategorijama iz tačke IV stav (3) a koje se potvrđuje rješenjima, uvjerenjima i potvrdama koje izdaju nadležni organi/institucije kod kojih se vode službene evidencije.
2. Ovjerena izjava nosioca domaćinstva kod nadležnog organa (*općina ili notar*) da nema drugu stambenu jedinicu alternativnog smještaja u svom vlasništvu.

NAPOMENA:

Jedinice lokalne samouprave popunjavaju obrazac prijave na javni poziv i dostavljaju izvještaj općinske/gradske komisije za procjenu šteta od prirodnih i drugih nesreća, dok su nosioci domaćinstva u obavezi dostaviti traženu dokumentaciju jedinicima lokalne samouprave radi dokazivanja posebnih kriterija (kućna lista, CIPS, dokumentacija na osnovu koje se dokazuje pripadnost pojedinim ranjivim kategorijama i ovjerena izjava da nema drugu stambenu jedinicu alternativnog smještaja u svom vlasništvu).

Sva dokumentacija koja se dostavlja mora biti originalna ili ovjerena kopija.

V OBAVEZE JEDINICA LOKALNE SAMOUPRAVE

Jedinice lokalne samouprave obavezne su:

1. Prijaviti domaćinstva koja ispunjavaju kriterije za dodjelu jednokratne novčane pomoći, uz dostavljanje tražene dokumentacije koju su obavezni pribaviti nosioci domaćinstva;
2. Doznačiti jednokratnu novčanu pomoć nosiocima domaćinstava, koja ispunjavaju kriterije, u roku od 8 dana od dana doznačavanja sredstava od strane Ministarstva;
3. Dostaviti izvještaj Ministarstvu o realizaciji jednokratne novčane pomoći domaćinstvima na pripremljenom obrascu od strane Ministarstva u roku od 30 dana od dana doznačavanja sredstava nosiocima domaćinstava.

VI FINANSIJSKA SREDSTVA

1. Za realizaciju ovog Javnog poziva planirana su finansijska sredstva u iznosu do 700.000,00 KM (slovima: sedamstotina hiljada KM) iz doznačenih sredstava Ujedinjenih Arapskih Emirata namijenjenih sanaciji i ublažavanju posljedica nastalih nakon prirodne nesreće uzrokovane poplavama i klizištima u oktobru 2024. godine.
2. Ministarstvo će doznačiti sredstva jedinicama lokalne samouprave za raspodjelu jednokratne pomoći domaćinstvima u skladu sa ovim Javnim pozivom i internim procedurama u iznosu od 8.000,00 KM do 15.000,00 KM po domaćinstvu.

VII NAČIN IZBORA I DODJELA SREDSTAVA

Odabir korisnika po ovom javnom pozivu će vršiti posebna komisija koju imenuje federalni ministar raseljenih osoba i izbjeglica. Komisija će razmatrati prijave u skladu sa posebnim procedurama a prema odredbama ovog Javnog poziva i internim aktima. Komisija zadržava pravo provjere tačnosti podataka iz prijave na javni poziv.

VIII OBJAVLJIVANJE RANG LISTA KORISNIKA

Preliminarna i konačna rang lista po ovom javnom pozivu će biti objavljene na internet stranici Federalnog ministarstva raseljenih osoba i izbjeglica www.fmroi.gov.ba.

IX DOSTAVLJANJE PRIJAVA NA JAVNI POZIV

Prijave na ovaj javni poziv se dostavljaju na prijavnom obrascu iz tačke V ovog javnog poziva uz traženu dokumentaciju. Nepotpune, neuredne i neblagovremene prijave neće biti razmatrane.

Dostavljanje prijave na javni poziv se vrši lično ili preporučenom poštom na adresu:

**Federalno ministarstvo raseljenih osoba i izbjeglica
Ul. Hamdije Čemerlića br. 2.
71000 Sarajevo**

sa naznakom: *Prijava na Javni poziv jedinicama lokalne samouprave za dodjelu jednokratne novčane pomoći domaćinstvima pogođenim prirodnom nesrećom uzrokovanom poplavama i klizištima iz oktobra 2024. godine*

Na poledini koverta obavezno navesti naziv podnosioca prijave i tačnu adresu..

Rok za dostavljanje prijave je 15 dana od dana objavljivanja.

Dodatne informacije u vezi javnog poziva se mogu dobiti putem telefona: 033/294-169 ili putem e-maila: kabinet@fmroi.gov.ba

MINISTAR

Nerin Dizdar

Sarajevo, 28.01.2025. godine

BOSNA I HERCEGOVINA
FEDERACIJA BOSNE I HERCEGOVINE



Federalno ministarstvo
raseljenih osoba i izbjeglica